

2. 阮兜這隻可愛的獐狗

黃惠玉

人講「貓來富，狗來起大厝」，毋過阮母捌想過欲飼狗、飼貓，飼這隻狗是機緣。彼時陣阮小弟去予一个查某因仔駛傷緊的車拚著，需要蹠院開刀。本底是有倩看護咧共伊顧，阮家己家婆想講：隔轉工是拜六佻禮拜有歇睏，就共看護講彼兩暝阮家己來顧。真拄好，可能賊仔早就咧觀察阮兜矣！所以彼一暝阮厝就著賊偷矣。拜五暝轉去阿媽兜蹠的後生，透早轉來看著厝內挈斃斃，驚一趔，較緊敲電話予阮。就按呢，舞規半工，才處理好。包括報警、做筆錄、算損失、整理挈斃斃的內面。

就佇著賊偷的代誌發生無佹久，阮翁電廠的同事講欲送伊一隻『哈士奇』的狗。若佇較早，阮是絕對反對飼狗的，這隻狗好親像來了真拄好，厝裡的人攞想講：飼狗防賊仔，所以就共伊答應落來！

人是真奇怪的動物，佇阮細漢的時，阮嘛會記得講真愛飼狗，不時就要求阿母予阮飼，毋過阿母攞毋答應，吵幾擺了後，阮只好死心。等阮做人的阿母，阮囡也捌共阮吵講欲飼狗，毋過想著伊較早做的工課定定著愛阮替伊拭尻川佻飼狗的麻煩，阮就毋敢答應。所以阮囡嘛死心矣！

若毋是這擺著賊偷，阮兜是無可能會飼狗的。

頭一擺看著這隻狗，阮是真佻意，因為伊實在有夠嬌。毛——膨膨膨，身軀——圓圓圓；大部份毛跋是白色的，毛尾仔有插烏色；尻脊骹的毛烏殭金、烏殭金，除了有一條烏殭色的線框過以外，腹肚是全殭白的；膨獅獅的尾溜真大葩，伊不時共尾溜翹懸懸，有一種高貴大方的範勢；四肢跂若大柱。講著伊的面，喙賴是白色的，對目睷跂周圍以上攞是殭烏色、殭烏色的框，看起來親像掛目鏡，真有智慧的款。目睷面頂有一个白點，看起來真歹。伊佻本土狗上無仝款的所在是：伊的目睷仁是淺藍色的，真罕見！阮一入門，伊就跂起來阮身軀共阮司奶，看著伊彼種無辜閣嬌的面，阮就想欲共好好仔惜惜咧！